

Bosna i Hercegovina
Federacija Bosne i Hercegovine
Udruženje sudija/sudaca u
Federaciji Bosne i Hercegovine

Sarajevo, Valtera Perića 15
Tel/fax 033-668-035
e-mail usfbih@bih.net.ba
www.usfbih.ba

Broj: 53/15
Sarajevo, 21.09.2015. godine.

ZAPISNIK
SA SJEDNICE UDRUŽENJA SUDIJA/SUDACA U FEDERACIJI BOSNE I HERCEGOVINE
ODRŽAN 21.09.2015. GODINE

Sjednica je održana u prostorijama Vrhovnog suda u Sarajevu sa početkom u 12:00 sati

PRISUTNI ČLANOVI US FBiH: Božana Banduka, Šabić Mustafa, Mirjana Dević, Hakija Zajmović, Aladin Bajrić, Stjepan Mikulić, Zuhdija Čosić, Muhamed Kovač, Zdenka Filipović, Amra Muratbegović .

ODSUTNI ČLANOVI US FBiH: Jasmin Jahjaefendić (opravdano), Nedim Begić (opravdano), Vildana Helić (opravdano), Jozo Anđić (opravdano), Amir Ahmetspahić (opravdano).

DNEVNI RED

1. Usvajanje zapisnika sa prethodne sjednice USFBiH (15.06.2015. i 24.08.2015)
2. Druženje članova Udruženja Vlašić 02-03.10.2015. godine
3. Dopis ogranka Zapadnohercegovačkog kantona (pomoć)
4. Savjetovanje Jahorina 2015.
5. Razno

Dnevni red usvojen bez primjedbi.

AD.1

Zapisnik sa sjednica predsjedništva je dostavljen članovima predsjedništva. Nakon iščitavanja zapisnika sa sjednica predsjedništva 15.06.2015. i 24.08.2015. oba su usvojena bez primjedbi.

AD.2

Predsjednica Udruženja i sekretar Udruženja su upoznale članove predsjedništva sa aktivnostima koje su poduzete oko organizacije zajedničkog druženja članova udruženja 02-03.10.2015. godine na Vlašiću.

Sekretar Udruženja je obavijestio članove predsjedništva sa detaljima dogovora hotela i sa planom i programom druženja. Članovi predsjedništva su

odabrali da bude poslužen meni od 25,00 KM koji je ponudio hotel za druženje. Također odobreno je plaćanje jednog pića na otvaranju druženja a koje će ići na teret Udruženja.

Članovi predsjedništva su primili na znanje izvještaj sekretara i nisu imali nikakvih primjedbi na organizaciju druženja.

AD.3.

Na adresu USFBiH je zaprimljen zahtjev za pomoć po članu 51. statuta USFBiH od sutkinje Dragice Šimić, člana USFBiH iz Kantonalnog suda Široki Brijeg, ogranak Zapadnohercegovačkog kantona. Nakon uvida u dostavljeni zahtjev i medicinsku dokumentaciju članovi USFBiH su odobrili pomoć za sutkinju Dragicu Šimić po čl. 51 Statuta USFBiH i pravilnika USFBiH broj 64/12, u iznosu od 1000,00 (hiljadu) KM.

Odluka broj: 54-1/15. od 21.09.2015

AD 4.

Članovi predsjedništva su upoznati da od 21-24.10.2015. se održava tradicionalno savjetovanje iz građanske oblasti Jahorina 2015. Udruženje sudija/sudaca u FBiH su suorganizator Udruženju sudija RS povodom ovog savjetovanja a kao član organizacionog odbora ispred Udruženja je predsjednica Udruženja g-đa Božana Banduka. Članovi predsjedništva se mogu javiti sekretaru udruženja ako žele prisustvovati savjetovanju.

AD 5.

Razno:

1. Član predsjedništvo udruženja Mustafa Šabić je dao inicijativu da se članovima Udruženja koji idu u mirovinu ispred Udruženja daje prigodan poklon. Drugi članovi predsjedništva su prihvatili ovu inicijativu i zahtjeva se da svi predsjednici ogranaka obavještavaju kancelariju Udruženja ako ima članova koji će u mirovinu da bi se mogao uzeti prigodan poklon i uručiti članu Udruženja koji ide u mirovinu.
2. Centar za istraživanje politike suprotstavljanja kriminalitetu je uputio dopis povodom pružanja podrške implementaciji projekta „Jačanje lokalnih kapaciteta u FBiH u borbi protiv korupcije i teških oblika kriminala putem oduzimanja imovinske koristi pribavljene krivičnim djelom“ Članovi predsjedništva su iščitala dopis i donesen je zaključak da Udruženje sudija/sudaca u FBiH podržava inicijativu i projekat Centra za istraživanje politike suprotstavljanja kriminalitetu. Ako bude potrebno USFBiH će delegirati nekog u projekat i podržava da njihov plan bude u programu Centara za edukaciju sudija i tužitelja.

Sastanak je okončana u 13:10 sati

**Predsjednica Udruženja
sudija/sudaca u FBiH
Božana Banduka**